

四庫全書存目叢書編纂委員會編

齊魯書社

四庫全書存目叢書

史部  
第二一九冊

責任編輯：孫言誠 賀 偉

ISBN 7-5333-0535-3



2/375/01

四庫全書存目叢書·史部二一九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.375 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二一九冊目次

史部·地理類

〔乾隆〕湖南通志一百七十四卷首一卷(四)

〔清〕陳宏謀 范咸纂修  
湖南圖書館藏清乾隆二十二年刻本

.....  
一

〔乾隆〕湖南通志一百七十

四卷首一卷(四)

〔清〕陳宏謀 范咸纂修

湖南圖書館藏清乾隆二十二年刻本

附《四庫全書總目·湖南通志一

百七十四卷》提要

湖南通志卷之一百三十

列女九

岳州府

秦

羅氏女府志古羅城內人父爲鐵官舟沒洞庭女年

十六攜其弟循涯哭求父尸弗獲皆赴水死後人常

見之湖上因建淑濟祠祀之宋元豐間封爲孝烈妃

漢

胡寧妻趙氏湖廣通志巴陵人寧早世氏訓孤子以

義方後寢疾子漸拜濟陰守會榮陽寇亂劍不得辭

王命親醫藥趙氏力疾起促灑之官疾亦旋愈

湖南通志

卷之一百三十

列女

岳州府

五代

林氏女湖廣通志華容人居縣北氏母疾藥弗愈禱

於天割股肉爲粥以啖母疾遂瘥同時有楊氏女者

效之有司並申其事詔旌焉有二孝坊

周行逢妻嚴氏府志華容人行逢本農家子及爲節

度使果於殺戮氏諫不聽乃請往田家督耕至則青

裙部佃送租行逢親勞之曰吾貴矣夫人何自苦爲

婦曰公思作戶長時乎民租後時常苦鞭朴今卽貴

宜先期率衆安得遂厭隴畝間乎行逢強之歸因諫

曰公用法太嚴誠恐一朝禍起妾在田間易於逃死

爾行逢悟至是少順其威

宋

賈瓊妻韓氏宋史列女傳巴陵人字希孟或曰丞相琦之裔少明慧知讀書開慶元年元兵至岳陽女年十八為卒所掠將挾以獻其主將女知必不免竟赴水死越三日得其屍於練裙帶有詩

徐君寶妻某氏楚寶巴陵人同韓氏被執至杭州主

者數欲犯之因告曰俟妾祭謝先夫然後為君婦未遲也主者喜諾乃焚香再拜默祝南向飲泣題滿庭芳於壁上投池中死其詞云漢上繁華江南人物尙

遺宣政風流綠牕朱戶十里爛銀鈞一旦刀兵齊舉

旌旗擁百萬貌貅長驅入歌臺舞榭風捲落花愁

湖南通志

卷之一百三十

列女

二 岳州府

清平三百載典章文物掃地俱休幸此身未北猶客

南州破鏡徐郎何在空惆悵相見無由從今後斷魂

千里夜夜岳陽樓

李孝女一統志平江人年十四侍母遭火變家人遠

避女獨守母舍不去火止合宅皆焚惟二舍巋然

明

黎受三妻藍氏明統志巴陵人無子依弟榮孀居五

十年洪武間旌

魏文昌聘妻甘氏湖廣通志華容人各元秀幼字里

人魏文昌文昌父得罪應誅詣闕上疏願以身代遂

死於法初文昌繫獄父欲改嫁其女女赴井以救免

此文昌凶問至女沐浴被衽自縊以殉時年十五

方可漣妻沈氏一統志巴陵人少寡一子尙幼舅欲

奪其志沈刺面守節教子成立有司請於朝旌焉

吳伏顯妻凌氏明統志平江人永樂間以節旌

高允中妻文氏府志華容人洪武末允中以功授副

長官尋卒氏年二十六撫六孩上事老姑供織紉

以供朝夕守志六十餘年有司以聞詔旌焉

鄧于旬妻李氏一統志華容人年二十于旬死觸槐

以殉

陳學明妻張氏明統志巴陵人年二十而寡無子感

勸其改節氏不可乃以夫兄之子為後辛勤撫育孀

湖南通志

卷之一百三十

列女

三 岳州府

居五十餘年成化中旌

方志通妻易氏明統志巴陵人年二十而寡力貧養

姑姑疾篤易氏籲天求以身代竟瘞奉養逾謹孀居

四十餘年成化中旌

梅紀妻方氏明統志臨湘人年二十三而寡矢志不

渝成化中旌

余勝先妻黃氏明統志臨湘人年二十二而寡撫孤

矢志終始不渝成化中旌

毛瑤府志妻黎氏明統志華容人適瑤甫二載夫

卒守志勤機杼以養姑教子向學矩範蔚然成化中

旌

李信妻徐氏明統志岳州衛人年十七適信生一子

英甫三歲信調征靖州沒於成所氏年二十四清苦

自勵孝養其姑姑卒葬祭不違禮弘治中旌

陳旭妻余氏湖廣通志平江人守節事舅姑以孝聞

弘治初旌

陳鼎妻石氏府志華容人年二十二鼎卒生子永文

甫三歲氏零丁孤苦守六十載孫能登進士官叅政

柳大潛妻楊氏湖廣通志巴陵人年二十六守節舅

姑強之嫁誓死赴水而止子三歲教之成立

秦永錦舊志作錦妻傅氏府志平江人歸秦未暮夫卒

遺腹生子撫之守志事舅姑以孝謹聞或諷之改適

湖南通志卷之一百三十一 列女 岳州府

泣日何謂未亡人况代夫以養乎益自勵

謝紀妻李氏明統志巴陵人性顯樸年二十四孀居

日夜號慟不輟屢絕復燕遺腹生子梅鞠育成立皓

首一節成化間旌

王昇妻周氏明統志岳州衛人年十八生一女昇任

千戶沒於兵周氏以節終弘治中旌

朱宣妻陳氏明統志岳州衛人宣任指揮沒於陣氏

年二十二守節四十餘年弘治中旌

方成德妻陳氏湖廣通志巴陵人年二十三守節無

子母欲奪而嫁之氏誓死七日不食母乃止

文希道妻蕭氏湖廣通志巴陵人年二十二守節嘉

靖中知府陸那給粟甬獎之府志作

沈敬妻劉氏明統志臨湘人年二十一守節撫子植

稍長遣就學學成舉於鄉嘉靖三十六年旌

余存舊志作存妻黃氏湖廣通志平江人年二十生

子甫三月夫故守節教子養姑嘉靖間知縣任寅欲

上其事氏懇辭之鄉人尤加敬焉

劉如魯妻毛氏湖廣通志華容人如魯大夏之孫卒

時毛年二十六以節終

陳煥妻李氏湖廣通志華容人年十九守節無子姑

亦早寡相守至饑餓不少變三十年學使者吳文華

贊云婦號貞婦今烈青燈吊影淚成血按府志云嘉

湖南通志卷之一百三十一 列女 岳州府

瑞芳表以詩有姑兮云云

吳宗唐妻蕭氏府志平江人歸吳未暮夫卒無子氏

年二十媒問踵至皆叱絕之以節終

伍王瓚妻戴氏湖廣通志平江人年二十二守節撫

子大鵬躬織紡以養舅姑嘉靖十六年都御史顧璘

表其門

王萬爵妻陳氏明統志平江人年二十而寡無子孀

居四十餘年嘉靖間事聞詔旌之

嚴東妾曹氏府志華容人名茂林年十九東卒氏誓

不再謀謹事其嫡時嫡病且十稔氏起臥不離左右

湯藥非親手不進家徒四壁勉力支持為東立嗣嗣

子又夭益無所托而堅志不移垂六十載嘉靖三十二年城中失火烟焰將逼氏拜禱呼其老僕奉累世木主號泣庭下須臾反風火竟不及嚴室人皆異之易某妻徐氏府志華容人居藍山年十八夫亡守志嘉靖五年調遣蠻兵所過多擄掠氏匿蘆葦中數日不食兵及之遂赴水死時年四十九

唐應治妻顏氏湖廣通志巴陵人應治早卒氏年二十九七日不食口鼻流血萬歷三十九年題旌以子世柱官戶部封太宜人

唐一俊妻胡氏湖廣通志巴陵人俊早卒氏年十七剪髮自誓事翁媪孝謹院司表異之

湖南通志 卷之十百三十一 列女 岳州府

方某妻沈氏湖廣通志巴陵人少寡于隆年九歲舅姑欲令他適沈毀容誓志教子學成領鄉薦詔建坊旌表

陳鈞府志妻劉氏湖廣通志華容人年二十七守節辟繡養姑孀居五十餘年

何惟寅聘妻張氏府志臨湘人及笄字何何落魄無行狀不能娶遂遺書聽氏別婚父將改許氏曰命也誓不再適萬歷間知縣張明儒給粟帛獎之

楊章妻易氏湖廣通志臨湘人章蚤卒氏年二十餘苦志堅守教子成立萬歷中知縣張明儒請於大吏表其門

楊紹鳴妻許氏 妻鄧氏湖廣通志臨湘人許年二十七夫卒絕水漿十日屢自經母救始蘇許無子鄧生子一位纔兩月同心苦節奉入旬舅姑典衣其靡先後殯葬成禮許年八十六鄧七十五天啟三年御史舒榮都請旨旌門一位官湘鄉訓導孫柱朝成進士縣志作

項大模妻李氏武陵人年二十一適模甫六月模病故上無翁姑下鮮叔伯遺孀生子應昌啣哀鞠育遭寇亂攜孤匿山中辛苦百端卒教子成立明季常德衛指揮 國朝知府胡咸給匾額以獎其操

張某妻劉氏湖廣通志華容人夫卒氏茹荼守節撫孤子希美天啟甲子學臣徐人龍給匾獎之

湖南通志 卷之十百三十一 列女 岳州府

嚴循開妻羅氏一統志華容人年十八歸循開貌癯為夫所棄不入其室者十餘年夫病侍湯藥誓以身殉比死縊於柩側

張天經縣志妻吳氏湖廣通志平江人年二十三守節葬夫為二壙一以自待姑強其適入泣誓乃止卒得同穴

劉希文妻白氏府志華容人天啟中流賊陷城氏罵賊死月餘得屍面色如生

楊賓朝妻丁氏一統志臨湘人崇禎末流寇張獻忠渡江丁避亂山申嘗語夫曰若遇賊誓不受辱果為

賊所執不屈死

楊一鵬妻陳氏湖廣通志臨湘人年十五一鵬納之

早寡撫一子為賊掠去苦節六十餘年壽九十

張存念妻毛氏湖廣通志華容人守節教子希本學

成登甲科崇禎時旌表

余所蘊妻湯氏一統志臨湘人崇禎時獻賊寇河南

湯避自泥湖被執將加刃其子禾兒甫八歲跪挽賊

刃求免其母賊不應遂相抱赴水死

姜振德妻劉氏一統志巴陵人崇禎末聞賊陷城夫

與姑俱被戮劉自縊

許某妻康氏一統志巴陵人事姑孝夫婦俱為賊所

湖南通志卷之十甫三十

列女

岳州府

執恐夫不免給賊曰釋吾夫願從汝賊釋其夫遠躍

水死有司旌其門

彭穩梅妻王氏 媳鄧氏湖廣通志平江人崇禎末

流寇肆掠鄧先赴程家井死王投碧巖下死

楊一絃妻李氏府志臨湘人年十四歸楊十九而寡

觸棺就死母救甦若節終身崇禎末督學高世泰表

其廬

許春燕妻馮氏府志巴陵人獻賊之亂氏被兵擄義

不受辱撞石死

蕭露豐妻沈氏府志臨湘人獻賊執露豐沈出救與

夫同被害

敖嗣履妻孫氏府志華容人獻賊掠山東孫姑張氏

乃救奕昌妻劉氏俱被執皆極口罵賊而死

毛九卿妻孫氏府志華容人九卿家世中衰孫脫羅

衣操井日躬織紉以應逋負無子為九卿納妾生子

九卿卒撫孤成立苦節三十餘年

章曠妻陳氏湘鄉縣志巴陵人曠守湘陰轉戰楚粵

間令陳依其父光國且囑之曰吾以身許國生死不

保汝有可託命處當改適遂僑寓於邑之溪口後曠

殉難於東安有武弁陶某聞其美脅陳父欲娶之逼

令登舟至深潭遽躍入水死巴陵黃秀有詩弔之云

半壁東南力莫支孤城一死復何疑斑斑血凝鬢

湖南通志卷之十百三十

列女

岳州府

竹好伴菴梧帝女祠

本朝

鄭迪被妻楊氏湖廣通志臨湘人早寡悉脫簪珥延

師課子方叔以明經任臨武學博

李宜祿妻陳氏湖廣通志平江人宜祿早卒陳守節

撫孤白首無二康熙三十六年旌

陳之遇妻劉氏湖廣通志臨湘人年十九而寡氏遺

腹生子道密撫教為諸生有文行康熙四十八年旌

程自洞妻董氏 婦張氏湖廣通志華容人董年二

十夫故撫孤文音成立娶婦張氏文音復早世張截

髮自誓姑婦雙節



王師鐸妻嚴氏湖廣通志華容人夫故子甫一齡撫之成立教以父書雖體粥不給矢志彌堅

徐玉子妻萬氏湖廣通志臨湘人年十九夫故家貧守節

吳儀周妻黃氏湖廣通志臨湘人年二十夫故無子食貧勵節歷三十餘年

嚴一申附志妻張氏湖廣通志華容人守節孝養甘旨無缺康熙五十五年旌

趙萬卷妻唐氏湖廣通志巴陵人夫天歿欲以身殉姑何氏守視甚密得免姑病坐臥扶持爾久不倦無子撫姪再詩主夫後康熙六十一年旌

魯文江妻潘氏一統志平江人年二十五夫沒斷指矢節雍正四年旌

凌之鸞妻李氏 妾鍾氏湖廣通志平江人夫沒李年二十五與鍾同心守節善事舅姑課子力學雍正四年旌

張禮行妻彭氏湖廣通志平江人年二十五而寡葬夫親負土為冢撫子成立雍正五年旌

王正愷妻蔡氏湖廣通志華容人早寡苦節養姑教子婦道母道兼盡雍正五年旌

董傳愈妻鍾氏湖廣通志平江人年二十二夫卒矢志不貳事姑以孝聞遺孤先澤僅數月撫以成名

湖南通志 卷之十百三十一 列女 十 岳州府

鍾宗舜妻陳氏湖廣通志平江人年二十七夫卒無子茹苦守志孝事舅姑庭無間言年逾五十卒

魯行道妻童氏湖廣通志平江人年二十四夫卒無子或諷其改適氏以死殉卒全其志

張大傑聘妻聶氏湖廣通志臨湘人少字蒲圻張大傑天沒女甫十齡聞計不食稍長刻舅姑木主於私室事之誓死不他適雍正九年旌

沈士炳妻丁氏府志臨湘人年二十二夫亡無子後守志敬奉舅姑苦節三十餘載雍正十二年旌

沈士瓊妻吳氏府志臨湘人年二十五而寡守節不渝乾隆二年旌

彭熙為妻沈氏府志臨湘人年二十守節撫遺孤娶婦生孫旋並天沒彭祀中斬氏血淚盡枯勉為立後乾隆二年旌

喻汲妻章氏 人汲亡時氏年二十七撫孤守志遺孤又沒終如廢他乾隆二年旌

李堅妻方氏府志臨湘人年二十六而寡守節事姑以孝聞歷三十載如一日乾隆二年旌

彭昌華妻王氏府志平江人年二十八而寡無子撫姪為後守節無瑕乾隆二年旌

周之衡妻沈氏府志臨湘人年二十五而寡得姑憫其無子令之改適氏引刀斷其一指以示終身不渝

湖南通志 卷之十百三十一 列女 十 岳州府

乾隆三年旌

范振聘妻鄭氏府志臨湘人幼許范振年十八未嫁

而振連遊閩二十載絕無音耗母兄告之於官許改

適鄭盡剪其髮誓死無二後聞振故扶輿歸里慟泣

昏絕持節益堅貧不自給從族人乞地二畝耕以度

活乾隆三年旌

王師文妻嚴氏一統志華容人年二十夫沒斷指截

髮以示靡他守節三十五年乾隆三年旌

劉士賢妻伍氏府志華容人年二十七而寡守節撫

孤垂三十載乾隆三年旌

李以符妻何氏一統志華容人何年二十而

寡生子甫兩月矢志撫孤後子承襲又沒媳傳年二

十五苦守養姑乾隆四年以雙節旌

涂子超妻段氏府志華容人年二十夫亡無子茹荼

守志孝養舅姑喪葬盡禮人稱完節乾隆四年旌

張召修妻敖氏府志華容人年二十五守節歷四十

載課子力學乾隆四年旌

張禮成繼妻李氏府志平江人年二十九而寡無出

撫前妻之子守節子又夭穉更為立後始終不二乾

隆五年旌

許伯泰妻傅氏府志巴陵人伯泰自長沙以母疾急

歸中途溺死氏年十九生孩六月撫之守志終老無

湖乾隆六年旌

潘士棟妻魏氏府志華容人年二十五苦志守貞乾

隆六年旌

謝名標妻沈氏府志臨湘人年二十六力貧守節乾

隆七年旌

侯三宅妻蔡氏府志華容人三宅舉孝廉以會試沒

於京邸蔡年二十三撫孤守節乾隆七年旌

李承筠妻唐氏府志平江人年二十三夫亡無子或

勸改適氏咬指以血噴之苦守不二乾隆九年旌

何乾服妻陳氏府志平江人年二十夫病篤憐其無

子徵示改嫁意氏取乳上孟擲地曰孟破可再完乎

湖南通志 卷之十一 三十一 列女 主 岳州府

有死而已夫卒守節三十載如其初志乾隆九年旌

陳汝弼妻何氏府志平江人年二十一汝弼卒何於

墓旁預為已墳碑曰儼日撫遺腹子復夭終無他志

且訓其羣從諸婦一門雍睦四世同居乾隆九年旌

余名士妻李氏府志平江人年二十一守節閨門嚴

謹嘗患疾其子延醫診視氏叱曰吾恨不早從汝父

於地下此手可令醫診耶乾隆九年旌

姚琢章聘妻沈氏府志臨湘人幼字琢章年十六琢

章天歿女悲泣不食誓不改字或勸之輒泣臥屢日

愛讀孝經小學讀必流涕乾隆九年旌

唐成綱妻湯氏府志平江人年十九夫卒手自壘土

為室以蒸撫遺腹子夭亡復為立後苦節三十年乾隆十年旌

張能建妻余氏府志臨湘人年二十一夫亡無子苦

志持貞三十載如一日乾隆十年旌

李三姑府志巴陵李四華女四華以三姑許臨湘人

為妾三姑不從遂終身不嫁

方夫合妻許氏府志巴陵人夫早喪氏獨居教子好

行其德雍正五年大饑賑粥數月每冬寒製絮衣以

給鄉里造三舟以濟南津港三江背諸渡輪白金百

兩助修三眼橋年八十餘卒

葉獻魁妻李氏臨湘人年十九適獻魁生一子未周

獻魁病焚香禱天願以身代獻魁將沒氏咬指漉血

以死誓守繼姑遇氏少恩氏抱孤跪榻前求慰姑志

姑為之化弟李連山姪葉連元貧不能婚氏皆出紡

績資助之乾隆十年旌

尹隆彩妻張氏巴陵人年二十七隆彩沒誓欲殉死

姑費氏委曲勸諭乃截髮納棺矢志守節乾隆十二

年旌

朱淑旂妻元氏臨湘人年三十二夫故守節事孀姑

不懈延師課一孤每撤餐供脯修而自奉常不給長

子年二十蚤卒次子祚廷成諸生丁未有饑民赤貧

不能存活者欲賣其子元為典衣給之乾隆十五年

旌

程文英妻張氏華容人年二十九夫故遺一子未周

復殤撫姪觀光為後教之成諸生癸亥歲歉捐穀三

百餘石賑恤窮困輸三百金修德政橋守節三十四

年乾隆十六年旌

瞿宗文妻林氏臨湘人年二十一夫故氏茹泣矢守

終身不御華飾撫姪人松為嗣紡績延師訓課不倦

家甚貧每陰則春食晴則採蔬為餌苦節四十年如

一日乾隆十七年旌

崇朝選妻戴氏平江縣志早寡貧甚富室求聘堅拒

之為夫立嗣以嗣子殤遂以憂卒

李先棟妻翁氏平江縣志歸李以孝謹聞年二十六

夫卒遺孤三歲矢志苦守五旬垂白非至親罕見其

面

鍾聖逢妻張氏平江縣志年二十五夫卒題墓見志

有欲奪其志者截髮刺面誓死不渝為夫立後乾隆

十七年旌

吳山蕪妻龔氏臨湘縣志年二十六夫卒遺子世慶

二歲茹貧守節課子成諸生年五十餘卒

范仲康妻劉氏臨湘縣志夫早亡氏不食誓以身殉

姑勸之泣血三年成疾卒

袁秀巖妻王氏湖北石首人適臨日袁秀巖生子椿

湖南通志 卷之一百三十一 列女 岳州府

湖南通志 卷之一百三十一 列女 岳州府

兩月而夫亡姑欲奪其志氏泣拒之旋遷居其客孤  
子椿病泣告於夫靈夜夢神人賜藥乃愈及長為椿  
娶夏氏事王亦以孝稱王病夏到股和藥以進病立  
起人以爲節孝萃於一門

閔士元妻白氏一統志華容人年十八夫卒貧不克  
葬適腹生子撫之成立夫既葬乃曰吾遲至今日死  
者蓋爲是也哀慟而絕

陳半壁妻花氏華容人年二十四半壁沒矢志守節  
乾隆二十年旌

龔明道妻張氏華容人歸龔生男一女一皆夭未幾  
明道沒張年二十二守貞自矢翁念其青年無子改

湖南通志 卷之一百三十 列女 岳州府

聘李姓張以死誓翁懼寢媒張父猶欲脅之嫁氏憤  
激投縊自盡巡撫胡寶琮旌其烈

陳大錦聘妻王氏華容人幼許聘大錦未嫁大錦以  
遊學歷三十九年未歸王守貞不再字父母沒依其  
弟範五以卒

李廷誨妻熊氏巴陵人適李生子三錫而廷誨沒氏  
年甫十九伯氏欲奪其志熊投縊幾死有隣婦喪其  
夫熊以守節勉之其婦爲之感動竟以節終

李泰然妻彭氏巴陵人泰然多病彭侍湯藥維謹年  
二十五泰然沒遺子仕清甫一歲剪髮自誓與老姑  
同寢食不離左右教子仕清成甲戌進士

汪世甘妻王氏巴陵人世桂兄弟四長三先沒爲苦  
哭弗絕口遂皆以憂鬱成病氏于歸即躬親湯藥不  
安寢席者累月世桂早逝氏年十九孤兒方七月氏  
卽決意從夫公姑防之最密痛定乃截髮誓苦守未  
幾世桂弟復扶一門之內只存數月一藐孤氏復以  
大義勸翁娶妾楊氏晚生一子名世楨翁死氏與楊  
青年苦節撫兩孤成立年三十六卒猶諄諄以做好  
人三字誨其子

李瓊妻彭氏巴陵人年十九適瓊瓊沒氏年二十三  
瓊兄弟及妯娌繼亡遺幼子一孤姪三家貧每餽粥  
不繼不以饑寒改操盡力撫子凡製衣履無先姪後

湖南通志 卷之一百三十 列女 岳州府

子婚娶皆隻身經營姑病悉脫簪珥求醫藥及沒率  
子姪躬爲築墳以孝友教子姪五世猶未許分爨遇  
疾病子姪欲求醫藥氏堅拒之不令入室自云有命  
在天亦不藥自愈

柳洪根妻謝氏臨湘人年二十二洪根沒謝置幃帳  
引孤子幼女件柩側晝夜號泣及暮嫂朱氏以意探  
之謝怒剪髮咬指以死誓舅姑老必敬慎扶持族有  
柳定遠者家貧將離嫁其長媳謝聞之亟檢衣裳質  
銀贖之並給田佃種以安其居乾隆十九年旌

丁全芳妻鍾氏 錢宛士妻李氏  
胡乾一妻劉氏 袁天秩妻許氏

馮騰漢妻陳氏

陳山岱妻黃氏

金三繡妻江氏

李湘峯妻董氏

劉君爵妻王氏

劉皇珍妻曹氏以上巴陵人

李汝林妻童氏

蘇仲伊妻徐氏

彭愚夫妻周氏

喻萬英妻張氏

王氏

鄧氏二氏夫姓名俱失以上平江人

沈生郊妻余氏

李逢吉妻陳氏

姚賜唐妻游氏以上臨湘人

侯邦鎮妻高氏

劉濤妻顏氏以上華容人

常德府

五代

湖南通志卷之百三十一

列女

九 岳州府

楚 馬希萼妻苑氏一統志楚王馬殷子希萼與弟希廣

爭立苑氏諫曰兄弟相攻勝負皆為人笑希萼不聽

苑泣曰禍將及子不忍見也赴井死

元

林德成妻張氏明統志武陵人年二十德成卒斷指

自誓守節明宣德中旌

明

冀元亨妻劉氏一統志武陵人元亨祇速家屬並繫

獄劉氏與二女治麻枲不輟事且自守者欲出之日

未見吾夫出將焉往按察諸僚婦聞其賢召之辭不

赴已而來就見則囚服而見手不釋麻枲問其學曰

吾夫之學不出閨門衽席間聞者悚然

史源濟妻孫氏明統志龍陽人年二十五而寡誓死

守節宣德中旌

伍景妻梅氏明統志龍陽人年十八適景明年景卒

又明年舅姑俱逝父憐其少且貧欲改嫁之氏不從

紡績自給節行無虧成化間旌

袁奎妻史氏明統志龍陽人年二十三守節貧甚紡

績奉姑撫幼成立成化中旌

徐瑄妻黃氏湖廣通志常德衛人成化初瑄備禦濬

州陣沒氏從死親族勸止之撫孤暨成人襲世職弘

治初亦沒於濬復撫幼孫輔人稱完節

湖南通志卷之百三十一

列女

九 常德州

劉禮妻燕氏湖廣通志桃源人年二十二矢節壽至

百三歲當事造廬存問

黎瑒妻劉氏湖廣通志桃源人年二十六而寡姑強

改適誓死守節有司旌獎

賈賢妻王氏湖廣通志沅江人嫁八月而賢溺死氏

年十八父母欲奪其志王誓死守節紡績奉姑以孝

聞

陳大韶妻萬氏湖廣通志大韶武陵人御史策之子

韶卒氏年二十七欲自盡姑勸止之會逆瑾誣策坐

罰米若干氏脫簪珥易米輸之乃免課子錄領鄉薦

嘉靖中旌

龍凌霄妻劉氏湖廣通志武陵人適凌霄暮年生子甫三月凌霄疾篤嘆曰吾死幼子誰托氏泣曰君脫不幸吾忍負君凌霄卒氏矢節孝養舅姑撫子成諸生事聞旌表

楊應期妻王氏湖廣通志武陵人年十九而寡遺腹生子曰孝誓死守節舅得木疾支離第氏浣滌穢惡孝養備至教子孝成諸生孫伯高舉孝廉

劉斗妻黎氏湖廣通志桃源人斗早世氏守節四十年事聞旌表

吳經妻邵氏湖廣通志常德衛人年十九而寡遺孤二歲家貧鬻地以葬守節養姑土豪侵凌逼嫁氏誓

容終節事聞旌表

劉達府志妻陳氏湖廣通志常德衛人年二十而寡矢節撫孤復天撫孫成諸生壽九十見曾孫崇信舉孝廉事聞詔旌曰節壽

樊斗妻段氏湖廣通志沅江人年二十七撫遺腹子東曉成諸生未幾子婦相繼沒段撫幼孫益勵苦節舒泰妻蕭氏湖廣通志沅江人年二十夫赴省試卒氏貧苦勵操四十餘年以孝節旌

李冤妻聶氏桃源縣志年二十八冤卒生子徽七歲矢志訓育為娶婦周氏生子采五歲徽卒復撫采成諸生采與母等相繼卒聶營兩喪同日歸窆孀居五

十餘年周年二十三孀居三十六年姑婦永霜隆慶二年知縣張值旌其門

曾義妻王氏明統志沅江人義卒氏年十九遺腹二月生子撫孤厲節養姑以孝聞隆慶二年旌龍陽縣志

能富秋妻廉氏湖廣通志龍陽人年二十富秋卒廉甘貧矢志奉姑餘年撫子成立以承夫志鄉黨以節孝稱之隆慶間旌

陶國清妻談氏湖廣通志武陵人年二十而寡生子得仁方二歲遺腹又生子孝兒舅姑相繼歿氏嘗孝兒喪事以續紡經營久之得償其值贖孝兒以歸若

節歷五十餘年詔旌其門

張懋勛妻蔡氏湖廣通志龍陽人年二十二而寡遺腹生女矢志不再適撫女將笄以諸生顧汝學為養培壽與女俱天依外孫終老事聞詔旌之

高可行妻朱氏湖廣通志武陵人年二十四而寡遺腹生子誓不他適舅姑相繼下世家益貧終無二志事聞旌表

伍鎮東妻劉氏湖廣通志龍陽人鎮東為諸生早世氏年二十四遺孤甫一歲有求娶者氏引刀欲自殺鄰婦救免茹荼鞠子以完節終

張鶴妻黃氏湖廣通志武陵人年二十五而寡食貧

湖南通志

卷之百三十一

列女

常德府

撫孤四十餘年事聞旌表

史策妻韓氏湖廣通志武陵人年二十而寡遺腹子

載章撫教成立年八十餘萬曆間旌

柳東仲妻彭氏湖廣通志武陵人東仲負美才早世

彭年二十止生一子誓死守節事舅姑以孝聞

黃鶴鳴妻喬氏湖廣通志武陵人年十九孀居撫遺

腹子一寧成立事聞旌表

劉承恩妻朱氏湖廣通志桃源人年二十三而寡撫

遺孤祥事姑盡孝姑卒祥天撫孫夢麟四十餘年事

聞旌獎

張運妻吳氏湖廣通志桃源人年二十守節孤子萬

初南通志 卷之一百三十 列女

常德府

王亦早世撫孫羽成立御史按部劄之給以粟帛

鮑之管妻李氏湖廣通志武陵人年二十四寡居撫

子嘉猷成立歷五十餘年人無間言

史廷佐妾鍾氏湖廣通志龍陽人年二十孀居與嫡

楊氏教長孫與祿成名萬歷辛亥與祿疏上其事奏

旨特旌

彭某妻雙氏湖廣通志龍陽人年二十一守志貧不

改操孫序列其事上之當事奏請旌表縣志作彭

中贊辭妻唐氏湖廣通志龍陽人年二十一孀居規

範最嚴雖兵火播遷造次顛沛不妄與男子通一語

年逾六十不變

李登雲府志作妻諸氏 李嗣先妻楊氏湖廣通志

武陵人諸年二十四而孀節操凜然撫教長子嗣先

次子嗣宗文譽並著遺腹子嗣璘以選貢入太學嗣

先復早卒妻楊氏撫三孤長子渾仕至廣信同知

羅某聘妻賀氏湖廣通志武陵人勿許字羅羅殤賀

誓不適人迎姑就養郡守旌以貞孝

王萬齡妻楊氏湖廣通志武陵人年二十夫故止一

女適石某女復夭撫其外孫永霜獨歷五十四年

賴光思妻羅氏湖廣通志武陵人年二十五而寡撫

孤婚娶復夭氏更撫孤孫成立備歷艱難霜節彌固

奉詔旌表

湖廣通志 卷之一百三十 列女

常德府

陳昌期妻戴氏湖廣通志常德衛人年二十夫卒欲

以身殉舅姑諭以撫孤乃止克盡孝道教子有立事

聞旌表

陳某妾陳氏湖廣通志武陵人舉廉陳其道之庶母

其道甫春月朱侍氏撫視乳哺愛憐備至六歲而孤

家益貧氏辛勤課讀夜分抹已後其道舉於鄉氏始

卒

龍之清妻謝氏湖廣通志桃源人年二十二守節撫

兩孤子開闢亂離教育成立晚歲得見孫曾聞範肅

然

鄉張魯妻郭氏一統志桃源人曾歿郭哀號飲泣三

月而殞天啟初旌

魯之史妻胡氏湖廣通志桃源人夫沒遺子男方九

月氏撫教之勤於女紅以佐膏火男貢太學當事旌

獎

李在川妻胡氏湖廣通志桃源人再川及其兩弟俱

早世兩弟他適胡矢節堅完更爲夫弟立主後年七

十五終詔旌其門

楊歸儒妻劉氏湖廣通志武陵人年十八夫病復驚

歎歎太息氏泣曰吾誓以死守孤君勿慮也孀居六

十餘年年八十九乃終

唐誼妻教氏湖廣通志武陵人適惠止生一女夫殉

難死氏矢志守節以女妻龍之澧之澧又死於兵劫

與女相依爲命母子完節

潘澍妻史氏一統志武陵人年二十餘流寇破城史

趨赴橫港賊勒令上馬史怒罵不止賊砍其口即以

口血噴賊面遂磔死

鮑啟登妻楊氏一統志武陵人年二十餘夫死廩節

數十年流寇至長子幼孫俱死楊呼天泣曰吾爲夫

後故稱未亡人今子孫俱亡當早見夫於地下因積

薪屋下先置二屍火中尋躍入死

胡唐臣妻黎氏桃源縣志年二十四夫卒子拱辰甫

六月氏撫之成立甲子舉於鄉未幾復卒氏與婦彭

湖南通志 卷之十一 甫 一 初女 常德府

氏撫三孤孫祺眉明祺登丙戌監書局與明皆成諸

生崇禎中當事以額旌之

楊世美妻武氏龍陽縣志年二十一夫卒父母勸之

他適不從明年孤殤遂不食死

周德麟妻王氏龍陽縣志年三十六於未久獻賊殺

擄勢急王謂夫曰妾惟一死耳遇賊邑東女兒橋幸

其婢蘭花投水死

劉鴻統妻王氏龍陽縣志年十八夫卒撫孤震乾家

貧守節歷四十年崇禎間巡按劉獎其門

劉鴻恩妻周氏龍陽縣志獻賊肆掠氏抗罵不污賊

殺之碎其尸

童養聰妻周氏龍陽縣志年十九守節教子逢運入

庠年六十餘

蕭宗蔭妻粟氏龍陽縣志年二十三寡舅欲奪其志

氏不從教孤食餼於庠

馮開運妻成氏龍陽縣志年二十三守節撫孤兆先

兆祥艱辛四十餘年

周玉妻賈氏沅江縣志年十八夫卒苦貧守節誓不

再嫁崇禎末旌

郭紹傳妻劉氏沅江縣志年十七夫卒遺子珩未週

父母屢勸改適不從甘貧守志不苟言不色服事翁

姑以孝聞訓子珩入泮知縣及儒學俱以匾獎之

湖南通志 卷之十一 甫 一 初女 常德府



周笏妻譚氏一統志武陵人為賊所執不辱罵賊死  
同縣有羅三才妻亦為賊所獲賊欲殺其夫其子以  
身蔽之遇害三才妻即赴水死

趙昌年通志妻熊氏一統志武陵人流寇陷城熊  
被執不從賊以刀斫其兩肩熊罵曰殺則殺耳何斫  
為賊割其腹而死

吳某妻陳氏一統志武陵人吳崇教子婦賊陷城與  
其姒賀氏見獲兩人俱罵賊賊先殺陳以脅賀賀罵  
愈厲賊復殺其子賀剛目大罵賊怒判其腹死

楊鶴妻鄭氏一統志武陵人鶴官三邊總督請戍死  
崇禎末流寇至武陵鄭率二妾走避遇賊叱令跪鄭

曰我朝廷命婦肯跪賊耶謂二妾曰而等遭辱何以  
見而主地下兩妾俱伏劍鄭亦觸城死

熊某妻何氏一統志武陵人舉家陷賊中何謂其夫  
曰君當與兒脫歸以存嗣妾請死無為俱居次日伺  
賊他出見夫負子行且遠投水死

鄭人攻妻鍾氏一統志武陵人年十九為賊所掠逼  
之不從拔髮嚙肉以寄其夫云誓不辱身巧節賊怒  
判之

胡養冲妻燕氏一統志桃源人崇禎末淫亂黃溪港  
賊斷養冲手執燕欲污之燕赴火死

彭祖眉妻唐氏一統志桃源人為叛將所執載至舟

湖南通志 卷之一百三十一 列女 常德府

中欲逼之唐始曰此綠蘿崖即妾祖墓願一拜之始  
從命舟泊岸唐整衣拜畢躍入江潭死

李開元妻向氏湖廣通志武陵人年二十二守節于  
允甫二歲輔以成立道府獎之

譚徵言妻李氏 談繼周妻鄧氏湖廣通志武陵人  
徵言卒李年二十七遺孤繼周五歲繼程二歲家素  
貧乏李績紡自給課二孤力學歷二十餘年繼周登  
賢書繼程亦列黌序無何繼周之任鄭西卒於塗其  
妻鄧氏年二十九開計欲從死李哭曰汝從夫死得  
身 矣乃欲以藐孤累老寡婦耶鄧乃從命姑婦苦節終

唐諸妻譚氏湖廣通志武陵人年十九而寡撫三歲  
孤祚培膺康熙壬子選拔孫待徵待聘俱以明經任  
廣文守節五十餘年康熙三十四年旌

蕭宗隆妻栗氏湖廣通志常德人少寡苦節終身康  
熙四十三年旌

楊山樞妻陳氏湖廣通志常德衛人樞卒陳年十九  
遺孤農基甫數月賊陷常德舉家離散陳借稚子從  
辰艱苦備嘗後農基早天撫兩孫紹綬成立康熙  
戊子紹綬科第累官至布政康熙四十七年旌

許羽邦妻劉氏龍陽縣志年二十二守節枕刀自誓

湖南通志 卷之一百三十一 列女 常德府